

Engum er heimilt að leggja ræsi í aðalræsi, nema að fengnu samþykki ofan- **172**  
greindra aðila, og er mönnum skylt að hlíta fyrir mælum þeirra um gerð og legu **27. nóv.**  
ræsis og annað það, er máli skiptir í sambandi við það.

### 3. gr.

Kostnaður allur við aðalholræsakerfið greiðist úr bæjarsjóði. Til að standast þann kostnað, ber hverjum húseiganda, sem á hús að eða í námunda við götu, veg eða opið svæði, sem holræsi er lagt í, að greiða árlega á holræsagjald 0.5% af fasteignamati húsanna, þó ekki undir kr. 100.00 af einbýlishúsi og af íbúðarhúsum með tveim íbúðum eða fleiri skal lægsta gjald vera kr. 75.00 á íbúð á ári. Gjöld þessi getur bæjarstjórn hækkað eða lækkað um allt að 50% án staðfestingar ráðuneytisins.

### 4. gr.

Húseigandi ber ábyrgð á greiðslu holræsagjalds gagnvart bæjarstjórn. Kröfur, sem bæjarstjórn kann að öðlast samkvæmt 1. og 3. gr. má taka lögtaki á kostnað gjaldanda og eru gjöld þessi tryggð með lögveði í húseigninni í næstu tvö ár eftir gjalddaga með forgangsrétti fyrir hvers konar samningsveði og aðfararveði.

Gjalddagi holræsagjalds er 1. júní ár hvert.

### 5. gr.

Brot gegn reglugerð þessari varða sektum allt að kr. 1000.00, nema þyngri refsing liggji við að lögum.

Með mál út af reglugerð þessari skal farið sem almenn lögreglumál.

Reglugerð þessi, sem bæjarstjórn Neskaupstaðar hefur samið og samþykkt, og gerð er samkvæmt lögum nr. 15 20. júní 1923, staðfestist hér með til að öðlast gildi þegar í stað og birtist til eftirbreytni öllum þeim, sem hlut eiga að máli.

*Félagsmálaráðuneytið, 27. nóvember 1958.*

**Hannibal Valdimarsson.**

*Hallgrímur Dalberg.*

## REGLUGERÐ

### um heimilishjálp í Skútustaðahreppi í Suður-Þingeyjarsýslu.

**173**

**28. nóv.**

### 1. gr.

Hreppsnefnd Skútustaðahrepps fer með stjórn heimilishjálpar í hreppnum samkvæmt reglugerð þessari. Dagleg umsjón með framkvæmd heimilishjálparinnar er í höndum Kvenfélags Mývetninga. Nú leggst það félag niður, og útnefnir þá hreppsnefnd Skútustaðahrepps 3 menn til að gegna þessu hlutverki.

### 2. gr.

Hlutverk heimilishjálparinnar er að veita hjálpar á heimilum þegar sannað er, með umsögn læknis, ljósmóður, eða á annan hátt, sem framkvæmdanefndin metur gildan, að hjálpar sé þörf um stundarsakir vegna sjúkdóma, barnsburðar, slysa, dauðsfalla, eða af öðrum ástæðum. Hjálpin skal veitt svo lengi sem nefndin telur brýna nauðsyn bera til, enda hafi það starfsfólk, sem nefndin hefur yfir að ráða, ekki enn meira aðkallandi þörfum að sinna á öðrum heimilum.

173

28. nóv.

3. gr.

Framkvæmdanefndin skal jafnan leitast við að hafa til taks eina konu til heimilishjálpar. Ber nefndinni að ganga örugglega úr skugga um, að konur þær, sem til heimilishjálparinnar eru ráðnar á vegum hreppsins, séu hæfar til starfsins, og ekki haldnar neinum næmum sjúkdómi.

4. gr.

Framkvæmdanefnd getur leitað samninga um launakjör og hlunnindi starfsstúlkna þeirra, er að heimilishjálp vinna, en fullt gildi hafa þeir samningar þá fyrst, er hreppsnefndin hefur samþykkt þá.

5. gr.

Fyrir heimilishjálp ber þeim, sem hennar nýtur, að leggja fram kr. 60.00 fyrir hvern starfsdag. Heimilt er hreppsnefnd að veita eftirgjöf á greiðslu þessari að nokkru eða öllu leyti, að fengnum tillögum framkvæmdanefndar, en ekki má sú eftirgjöf leiða til skerðingar á launakjörum viðkomandi starfsstólku, ef svo er tiltekið í samningum að kaupgreiðsla þessi sé hluti af launum hennar, enda standi þá hreppsnefndin í ábyrgð fyrir skilvísri greiðslu til hennar á þeim kaupgjaldshluta.

6. gr.

Hreppsnefndin annast allar fjárreiður heimilishjálparinnar og skal reikningur hennar endurskoðaður með sama hætti og reikningar sveitarsjóðsins.

7. gr.

Sá halli, sem verða kann af heimilishjálp, sem veitt er samkvæmt lögum um heimilishjálp og reglugerð þessari, greiðist að  $\frac{2}{3}$  hlutum úr sveitarsjóði Skútustaða- hrepps, og að  $\frac{1}{3}$  hluta úr ríkissjóði.

Reglugerð þessi, sem hreppsnefnd Skútustaðahrepps hefur samið og samþykkt, staðfestist hér með samkvæmt lögum nr. 10 25. janúar 1952 um heimilishjálp, til þess að öðlast þegar gildi og birtist til eftirbreytni þeim, sem hlut eiga að máli.

*Félagsmálaráðuneytið, 28. nóvember 1958.*

F. h. r.

Hjálmar Vilhjálmsson.

---

*Jón S. Ólafsson.*

174

4. des.

## AUGLÝSING

um umferð í Reykjavík.

- Samkvæmt ályktun bæjarstjórnar Reykjavíkur hefur eftirfarandi verið ákveðið:
1. Einstefnuakstur um Aðalstræti, milli Austurstrætis og Hafnarstrætis, frá suðri til norðurs.
  2. Bann við bifreiðastöðum á Grundarstíg, norðan megin götunnar, og á Kirkju- torgi norðan verðu, meðfram Dómkirkjunni.
  3. Bifreiðastöður takmarkaðar við 30 mínútur kl. 9—19 virka daga á umferðar- eyju milli akbrauta Snorrabrautur frá Laugvegi að Grettisgötu.

*Lögreglustjórnin í Reykjavík, 4. desember 1958.*

Sigurjón Sigurðsson.